

৮৬

এসএসসির ফরম পূরণ : বরিশালে চাঁদাবাজিতে মেতেছে বিদ্যালয়গুলো

রাহাত খান, বরিশাল ব্যুরো

আসন্ন এসএসসি পরীক্ষার ফরম পূরণকে কেন্দ্র করে চাঁদাবাজি শুরু করেছে বরিশাল শিক্ষা বোর্ডের মাধ্যমিক বিদ্যালয়গুলো। কেউ কোন অভিযোগ করেনি অজুহাতে শিক্ষা বোর্ড কর্তৃপক্ষ এক্ষেত্রে নীরব ভূমিকা পালন করেছে। অভিভাবকরা বলেন, পরীক্ষার অনেক কিছু থাকে শিক্ষকদের হাতে। আর তাই ভবিষ্যতের

কথা চিন্তা করে কেউ কিছু করছে না।

গত ৫ ডিসেম্বর থেকে শিক্ষা বোর্ডের অধীনে বিভিন্ন মাধ্যমিক বিদ্যালয়ের এসএসসি পরীক্ষার্থীদের ফরম পূরণ শুরু হয়। গত বছর শিক্ষা বোর্ড নির্ধারিত ফি ছিল মাথাপিছু ৬শ থেকে ৭শ টাকা। এবছর এই ফি বাড়িয়ে ৮৪ থেকে ৯শ টাকা করা হয়েছে। বোর্ড নির্ধারিত সর্বোচ্চ ফি ৯শ টাকা হলেও বিদ্যালয়গুলো এ তিনগুণ পর্যন্ত টাকা আদায় করেছে বলে অভিযোগ করেছে অভিভাবকরা। খোজ নিজে জানা গেছে, ব্রজমোহন (বিএম) মাধ্যমিক বিদ্যালয়ে ২২শ থেকে ২৩শ টাকা, উদয় মাধ্যমিক বিদ্যালয়ে ১৯শ থেকে ২ হাজার টাকা, জগদীশ স্বরস্বত মাধ্যমিক বালিকা বিদ্যালয়ে ১৯শ থেকে ২১শ টাকা আদায় করেছে। অলৌ খান (একে) মাধ্যমিক বিদ্যালয়ে ২ হাজার মেতেছে : পৃষ্ঠা ৯ : কলাম ৫

মেতেছে : বিদ্যালয়গুলো

(শেষ পৃষ্ঠার পর)

থেকে ২২শ টাকা, ব্যাণ্ডিস্ট মিশন বালিকা বালিকা মাধ্যমিক বিদ্যালয়ে ২ হাজার থেকে ২৪শ টাকা, কাউনিয়া বালিকা বিদ্যালয়ে ২ হাজার থেকে ২৩শ টাকা, মথুরানাথ পাবলিক স্কুলে ২২শ থেকে ২৫শ টাকা এবং মানিক মিয়া মাধ্যমিক বিদ্যালয়ে ১৭শ থেকে ২ হাজার টাকা আদায় করা হচ্ছে। বরিশাল বোর্ডের অন স্কুলগুলোও প্রায় একই হারে ফি আদায় করছে। গত বছর এক বিষয়ে ফেল করা পরীক্ষার্থীদের ফরম পূরণের জন্য বোর্ড ফি সাড়ে ৩শ টাকা নির্ধারণ করা হলেও শিক্ষা প্রতিষ্ঠানগুলো আদায় করেছে ১ হাজার থেকে ১১শ টাকা। বেসরকারি শিক্ষা প্রতিষ্ঠানের শিক্ষকদের বেতন-ভাতার ৯ ভাগ সরকারি কোষাগার থেকে দেয়ার পর কেন এই অতিরিক্ত টাকা নেয়া হচ্ছে তা কারো বোধগম্য হচ্ছে না। বেশকিছু শিক্ষা প্রতিষ্ঠানে প্রধান অতিরিক্ত ফি নেয়ার বিষয়টি অস্বীকার করে বলেন, অমেক শিক্ষার্থী সারাবছর বেতন দেয় না। তাছাড়া কোচিং ফির ব্যাপারটি রয়েছে। সব মিলিয়ে টাকার পরিমাণ ২ হাজার থেকে ২৫শ টাকায় গিয়ে দাঁড়ায়। প্রতিষ্ঠান প্রধানদের এ বক্তব্য সত্য নয় বলে মথুরানাথ পাবলিক স্কুলের এক ছাত্রী জানায়, সরকার দশ শ্রেণী পর্যন্ত মেয়েদের লেখাপড়া ফ্রি করে দিয়েছে। অর্থাৎ বেতনের কোন প্রশ্নই আসে না। কোচিংয়ের নামে জোর করে টাকা নেয়া হলেও কোচিং করে না অনেকে। স্কুলগুলো অতিরিক্ত টাকা নিয়ে নিজেদের মধ্যে ভাগভাণ্টা করে নেয়। বরিশাল শিক্ষা বোর্ডের পরীক্ষা নিয়ন্ত্রক পিয়ারউদ্দিনের কাছে এ ব্যাপারে জানতে চাইলে তিনি বলেন, অতিরিক্ত টাকার আদায়ের রসিদসহ কেউ অভিযোগ করলে অবশ্যই ব্যবস্থা নেবে বোর্ড। কয়েকজন অভিভাবক এ প্রসঙ্গে বলেন, অতিরিক্ত আদায়ের বিষয়ে বিদ্যালয়গুলো কোন রসিদ দেয় না। সুতরাং ভবিষ্যতের কথা চিন্তা করে ব্যাপারে কেউ আমেলায়ও যায় না।